



SAMIRA

# SLUŽBENI GLASNIK

OPĆINE ZAVIDOVIĆI

---

4

Broj: \_\_\_\_\_

Datum: 28.04.2005.

**I – AKTI OPĆINSKOG VIJEĆA**

Na osnovu člana 4. stav 1. i 2. Zakona o prometu nepokretnosti («Službeni list SRBiH», broj 38/78,4/89, 29/90 i 22/91 i «Službeni list RBiH», broj 21/92,3/93,13/94 i 18/94) i člana 55. Statuta Općine Zavidovići («Službeni glasnik općine Zavidovići», broj 11/04-Prečišćeni tekst) Općinsko vijeće Zavidovići je na 7.sjednici održanoj dana 27.04. 2005. godine, d o n i j e l o

**O D L U K U**

**o ukidanju statusa nepokretnosti  
u općoj upotrebi**

**Član 1.**

Utvrđuje se da je izgubilo status nepokretnosti u općoj upotrebi- status javnog puta, zemljište u državnoj svojini označeno sa k.č. 412/2 zv. «Dubravica» prilazni put pov.226 m<sup>2</sup>, upisano u P.L. 46 K.O. Dubravica kao DRSV Javni i nekategorisani putevi.

**Član 2.**

Stupanjem na snagu ove Odluke, u zemljišnim i drugim javnim knjigama, brisat će se raniji upis zemljišta iz člana 1. ove odluke kao nekretnine u općoj upotrebi i ista će se upisati u korist DRSV Općina Zavidovići.

**Član 3.**

Sastavni dio ove odluke je skica snimanja.

**Član 4.**

Ova Odluka stupa na snagu prvog narednog dana od dana donošenja, i ima se objaviti u «Službenom glasniku općine Zavidovići».

OPĆINA ZAVIDOVIĆI  
- OPĆINSKO VIJEĆE -

PREDSJEDAVAJUĆI  
OPĆINSKOG VIJEĆA

Broj: 01-05-1615/05  
Datum, 27.04.2005.godine

(M.P.)

Besim Avdić, s.r.

Na osnovu člana 4. stav 1. i 2. Zakona o prometu nepokretnosti («Službeni list SRBiH», broj 38/78,4/89, 29/90 i 22/91 i «Službeni list RBiH», broj 21/92,3/93,13/94 i 18/94) i člana 55. Statuta Općine Zavidovići («Službeni glasnik općine Zavidovići», broj 11/04-Prečišćeni tekst) Općinsko vijeće Zavidovići je na 7.sjednici održanoj dana 27.04.2005.godine, d o n i j e l o

## **ODLUKU**

### **o ukidanju statusa nepokretnosti u općoj upotrebi**

#### **Član 1.**

Utvrđuje se da je izgubilo status nepokretnosti u općoj upotrebi- status javnog puta, zemljište u državnoj svojini označeno sa:  
- k.č. 901 zv. «Bjelkići» prilazni put pov. 140 m<sup>2</sup>, i to dio u površini od 106 m<sup>2</sup>, upisano u P.L. 42 K.O. Perovići kao DRSV Javni i nekategorisani putevi.

#### **Član 2.**

U roku od 15 dana od stupanja na snagu ove Odluke, izvršit će se provođenje promjena u katastarskom operatu u skladu sa članom 1.ove odluke (cijepanje, promjena kulture), nakon čega će se u zemljišnim i drugim javnim knjigama, brisati raniji upis zemljišta iz člana 1.ove odluke kao nekretnine u općoj upotrebi i ista će se upisati u korist DRSV Općina Zavidovići.

#### **Član 3.**

Sastavni dio ove odluke je skica snimanja lica mjesta.

#### **Član 4.**

Ova Odluka stupa na snagu osmog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI  
- OPĆINSKO VIJEĆE -

PREDSJEDAVAJUĆI  
OPĆINSKOG VIJEĆA

Broj: 01-31-4044/05  
Datum, 27.04.2005.godine

(M.P.)

Besim Avdić, s.r.

- 158 -

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO DOBOJSKI KANTON  
OPĆINA ZAVIDOVIĆI  
- OPĆINSKO VIJEĆE -

Broj: 01-31-1616/05

Dana, 27.04.2005.godine

Na osnovu člana 24. Zakona o građevinskom zemljištu («Službene novine Federacije BiH», broj 25/03) i člana 55. Statuta Općine Zavidovići («Službeni glasnik Općine Zavidovići», broj: 11/2004-Prečišćeni tekst), Općinsko vijeće Zavidovići, rješavajući u predmetu preuzimanja neizgrađenog gradskog građevinskog zemljišta, radi privođenja trajnoj namjeni, na 7. sjednici održanoj 27.04.2005. godine, donijelo je

## **RJEŠENJE**

1. Preuzima se, iz posjeda IP «Krivaja» d.d. Zavidovići, neizgrađeno gradsko građevinsko zemljište označeno sa k.č. 214 zv. «Ćumurana» nekategorisani put pov. 626 m<sup>2</sup>, k.č. 1276/29 zv. «27 udarne divizije» dvorište pov. 84 m<sup>2</sup> i k.č. 1276/30 zv. «27 udarne divizije» dvorište pov.30 m<sup>2</sup>, sve upisane u P.L.1106 K.O. Zavidovići, radi privođenja zemljišta trajnoj namjeni.

2. Naknada za preuzeto zemljište iz tačke 1. ovog rješenja, utvrdit će se u posebnom postupku, nakon pravosnažnosti ovog rješenja.

3. Po pravosnažnosti ovog rješenja zemljište iz tačke 1. brisat će se iz P.L. 1106 i upisati u P.L. 232, K.O. Zavidovići u korist Općine Zavidovići.

## **Obrazloženje**

Preuzimanje neizgrađenog gradskog građevinskog zemljišta iz posjeda IP «Krivaja» d.d. Zavidovići, označenog sa k.č. 214 zv.«Ćumurana» nekategorisani put pov. 626 m<sup>2</sup>, vrši se radi privođenja zemljišta trajnoj namjeni u skladu sa Regulacionim planom «Majdanska polja», a k.č. 1276/29 zv. «27 udarne divizije» dvorište pov. 84 m<sup>2</sup> i k.č. 1276/30 zv. «27 udarne divizije» dvorište pov. 84 m<sup>2</sup>, radi privođenja zemljišta trajnoj namjeni u skladu sa Regulacionim planom «Centar III» Zavidovići.

U postupku koji je prethodio donošenju ovog rješenja nadležan organ- Služba za upravu geodetskih, imovinsko pravnih poslova i urbanizma, izvršila je cijepanje parcele označene sa k.č. 1276/7 u skladu sa zaključkom općinskog vijeća broj 01-31-897 od 09.03.2005.godine i Regulacionim planom «Centar III» Zavidovići, kojim je na predmetnom lokalitetu na neizgrađenom dijelu parcele označene sa k.č.1276/7, predviđeno formiranje dvije građevinske parcele označene u regulacionom planu brojevima 5/8 i 5/9, te su formirane parcele označene sa k.č. 1276/29 i k.č. 1276/30.

Takođe je služba u skladu sa članom 24. Zakona o građevinskom zemljištu omogućila izjašnjavanje korisniku odnosno posjedniku zemljišta IP «Krivaja» dd. Zavidovići u vezi preuzimanja predmetnog zemljišta iz njenog posjeda, radi privođenja zemljišta trajnoj namjeni.

Kako su se u konkretnom slučaju stekli uslovi iz člana 24. Zakona o građevinskom zemljištu za preuzimanje građevinskog zemljišta iz posjeda IP «Krivaja» dd. Zavidovići, to je odlučeno kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe Kantonalnom sudu u Zenici, u roku od 30 dana od dana dostavljanja rješenja.

Tužba se podnosi neposredno sudu u dva primjerka.

**PREDSJEDAVAJUĆI  
OPĆINSKOG VIJEĆA**

(M.P.)

Besim Avdić, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO DOBOJSKI KANTON  
OPĆINA ZAVIDOVIĆI  
- OPĆINSKO VIJEĆE -

Broj: 01-31-208/05

Datum, 27.04.2005.godine

Na osnovu člana 45. Zakona o građevinskom zemljištu («Službene novine Federacije BiH», broj 25/03) i člana 120. Statuta općine Zavidovići («Službeni glasnik općine Zavidovići», broj 11/2004- Prečišćeni tekst), Općinsko vijeće Zavidovići na 7.sjednici održanoj 27.04.2005. godine, donosi

## **RJEŠENJE**

**ODBIJA SE** zahtjev Crvenog križa općine Zavidovići za dodjelu neposrednom pogodbom gradskog građevinskog zemljišta, na lokalitetu obuhvata Regulacionog plana «Ekonomija-Batvice»“ Zavidovići, u svrhu izgradnje poligona za vozače.

### **O b r a z l o ž e n j e**

Crveni križ općine Zavidovići obratio se Općinskom vijeću Zavidovići, zahtjevom broj 01-39/05-A od 28.01.2005.godine, za dodjelu zemljišta na lokalitetu obuhvata Regulacionog plana «Ekonomija-Batvice» Zavidovići, u svrhu izgradnje poligona za vozače.

U zahtjevu ističu da bi izgradnjom poligona riješili pitanje obuke za vozače van gradskih ulica, a Crveni križ općine Zavidovići bi poboljšao svoje uslove finansiranja, što bi donekle rasteretilo i općinski budžet.

Razmatrajući navedeni zahtjev ocijenjeno je da podnosilac traži dodjelu zemljišta putem neposredne pogodbe.

Odredbom člana 45. Zakona o građevinskom zemljištu propisano je da se gradsko građevinsko zemljište može dodijeliti neposrednom pogodbom na korištenje za izgradnju vojnih objekata, objekata za službene potrebe državnih organa, diplomatskih i konzularnih predstavništva i objekata komunalne infrastrukture.

Kako u konkretnom slučaju nisu ispunjeni zakonski uslovi za dodjelu neposrednom pogodbom odnosno uslovi iz člana 45. Zakona, to je na osnovu naprijed navedenog, valjalo odbiti zahtjev podnosioca i riješiti kao u dispozitivu ovog rješenja.

Protiv ovog rješenja kao akta poslovanja ne može se izjaviti žalba niti se može pokrenuti upravni spor.

**PREDSJEDAVAJUĆI  
OPĆINSKOG VIJEĆA**

(M.P.)

Besim Avdić, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO DOBOJSKI KANTON  
OPĆINA ZAVIDOVIĆI  
- OPĆINSKO VIJEĆE -

Broj: 01-31-1617/05

Datum, 27.04.2005.godine

Na osnovu člana 45. Zakona o građevinskom zemljištu («Službene novine Federacije BiH», broj 25/03), člana 4. Odluke o uslovima i načinu dodjele gradskog građevinskog zemljišta u državnoj svojini («Službeni glasnik općine Zavidovići», broj 6/04) i člana 120. Statuta općine Zavidovići («Službeni glasnik općine Zavidovići», broj 11/2004- Prečišćeni tekst), Općinsko vijeće Zavidovići na 7. sjednici održanoj 27.04.2005.godine, donosi

## **RJEŠENJE**

**ODBIJA SE** zahtjev Kararache daudi Abdelilah iz Zavidovića za dodjelu neposrednom pogodbom gradskog građevinskog zemljišta, u svrhu izgradnje stambenog objekta.

### **O b r a z l o ž e n j e**

Dana 11.03.2005.godine, Kararache Daudi Abdelilah iz Zavidovića podnio je zahtjev za dodjelu zemljišta u svrhu izgradnje stambenog objekta.

U zahtjevu ističe da nema riješeno stambeno pitanje, da je demobilisani borac Armije BiH, nezaposlen, dobitnik najvećih ratnih priznanja, te da trenutno sa peteročlanom porodicom živi u neuslovnoj baraci, koja im je data na privremeno korištenje.

Po navedenom zahtjevu očitovale Udruženje građana «Zlatni ljiljan» Zavidovići podneskom broj 10/07-03/05, upućenim Službi za upravu pitanja boraca, raseljenih lica i izbjeglica općine Zavidovići, ističući da je imenovani član navedenog udruženja, da im je poznata njegova stambena situacije iz koga razloga mole da se iznađe odgovarajuće rješenje, te ukoliko se bude planirala dodjela građevinskog zemljišta za boračku populaciju, da se imenovani prioritarno riješi.

Razmatrajući navedeni zahtjev ocijenjeno je da podnosilac traži dodjelu zemljišta putem neposredne pogodbe.

Odredbom člana 45. Zakona o građevinskom zemljištu propisano je da se gradsko građevinsko zemljište može dodijeliti neposrednom pogodbom na korištenje za izgradnju vojnih objekata, objekata za službene potrebe državnih organa, diplomatskih i konzularnih

predstavništva i objekata komunalne infrastrukture, da se fizičkim osobama ne može dodjeljivati gradsko građevinsko zemljište neposrednom pogodbom, osim izuzetno u postupku naknade za ekspropisano i izuzeto zemljište.

Odredbom člana 4. Odluke o uslovima i načinu dodjele gradskog građevinskog zemljišta u državnoj svojini propisano je da se u skladu sa zakonom, dodjela gradskog građevinskog zemljišta, fizičkim licima, za izgradnju stambenih zgrada, vrši isključivo putem javnog konkursa. Članom 13. iste odluke propisani su kriteriji za određivanje prava prvenstva fizičkih lica za izgradnju porodične stambene zgrade.

Kako u konkretnom slučaju nisu ispunjeni zakonski uslovi za dodjelu zemljišta neposrednom pogodbom, odnosno uslovi iz člana 45. Zakona, to je na osnovu naprijed navedenog, valjalo odbiti zahtjev podnosioca i riješiti kao u dispozitivu ovog rješenja.

Protiv ovog rješenja kao akta poslovanja ne može se izjaviti žalba niti se može pokrenuti upravni spor.

**PREDSJEDAVAJUĆI  
OPĆINSKOG VIJEĆA**

(M.P.)

Besim Avdić, s.r.

- 162 -

Na osnovu tačke 9. Uputstva o provođenju procedura za odabir korisnika programa pomoći u obnovi stambenih jedinica u svrhu povratka («Službeni glasnik BiH» broj 25/04), člana 55. Statuta općine Zavidovići («Službeni glasnik općine Zavidovići», broj 11/2004-prečišćen tekst), Općinsko vijeće Zavidovići, na 7. sjednici održanoj 27.04.2005. godine donijelo je

## **R J E Š E N J E**

### **o imenovanju komisije za odabir korisnika pomoći rekonstrukcije**

#### **I**

Imenuje se Komisija za odabir korisnika pomoći rekonstrukcije za 33 stambena objekta u mjestima Gostović, Dolac-Rujnica i Smailbašići-Svinjašnica (u daljem tekstu: Komisija) u sljedećem sastavu:

1. NERMIN ČAHTAREVIĆ - predsjednik,
2. MILI VELIĆ - član,
3. ŠEMSO MUHIĆ - član,
4. HUSO ČOLAK - član,
5. RAMIZ SUŠIĆ - član,
6. RAMO HODŽIĆ - član.

#### **II**

Predstavnik međunarodne humanitarne organizacije «Luteranski svjetski savez Tuzla» učestvovat će u radu Komisije te vršiti koordinaciju i nadzor nad radom iste.

#### **III**

Komisija će izvršiti odabir korisnika pomoći rekonstrukcije 33 stambena objekta u mjestima Gostović, Dolac-Rujnica i Smailbašići-Svinjašnica prema Uputstvu o provođenju procedura za odabir korisnika programa pomoći u obnovi stambenih jedinica u svrhu povratka («Službeni glasnik BiH» broj 25/04).

#### **IV**

Tokom cijelog rada Komisija je obavezna o svakoj aktivnosti voditi zapisnik te sačiniti evidenciju svih pristiglih zahtjeva za rekonstrukciju, usvojiti poslovnik o svom radu, blagovremeno izvještavati nadležne organe i institucije o svom radu, izvršiti otvaranje i utvrđivanje sadržaja pristiglih prijava, provjeravati ispunjavanje općih i posebnih kriterija, provesti intervju sa potencijalnim korisnicima pomoći, sačiniti okvirnu procjenu stepena oštećenja i troškova sanacije stambenih jedinica, utvrditi konačnu listu odabranih korisnika pomoći, objaviti rezultate odabira korisnika pomoći i omogućiti svim podnositelima prijave/zahtjeva pravo na prigovor.

#### **V**

Ovo rješenje stupa na snagu danom donošenja.

OPĆINA ZAVIDOVIĆI  
- OPĆINSKO VIJEĆE -

Broj: 01-05-1811/05  
Datum, 27.04.2005. godine

PREDSJEDAVAJUĆI  
OPĆINSKOG VIJEĆA

Besim Avdić, s.r.

(M.P.)



- 163 -

Na osnovu tačke 9. Uputstva o provođenju procedura za odabir korisnika programa pomoći u obnovi stambenih jedinica u svrhu povratka («Službeni glasnik BiH» broj 25/04), člana 55. Statuta općine Zavidovići («Službeni glasnik općine Zavidovići», broj 11/2004-prečišćen tekst), Općinsko vijeće Zavidovići, na 7. sjednici održanoj 27.04. 2005.godine, donijelo je

## **RJEŠENJE**

### **o imenovanju komisije za odabir korisnika pomoći rekonstrukcije**

#### **I**

Imenuje se Komisija za odabir korisnika pomoći rekonstrukcije za stambene objekte u mjestima Garići i Ribnica (u daljem tekstu: Komisija) u sljedećem sastavu:

1. NERMIN ČAHTAREVIĆ - predsjednik,
2. NEDŽAD NALIĆ - član,
3. ŠEMSO MUHIĆ - član,
4. OMER HOROZOVIĆ - član,
5. ELVEDIN HUSKIĆ - član.

#### **II**

Predstavnik međunarodne humanitarne organizacije «PEP INTERNATIONAL» učestvovat će u radu Komisije te vršiti koordinaciju i nadzor nad radom iste.

#### **III**

Komisija će izvršiti odabir korisnika pomoći rekonstrukcije stambena objekta u mjestima Garići i Ribnica prema Uputstvu o provođenju procedura za odabir korisnika programa pomoći u obnovi stambenih jedinica u svrhu povratka («Službeni glasnik BiH» broj 25/04).

#### **IV**

Tokom cijelog rada Komisija je obavezna o svakoj aktivnosti voditi zapisnik te sačiniti evidenciju svih pristiglih zahtjeva za rekonstrukciju, usvojiti poslovnik o svom radu, blagovremeno izvještavati nadležne organa i institucije o svom radu, izvršiti otvaranje i utvrđivanje sadržaja pristiglih prijave, provjeravati ispunjavanje općih i posebnih kriterija, provesti intervju sa potencijalnim korisnicima pomoći, sačiniti okvirnu procjenu stepena oštećenja i troškova sanacije stambenih jedinica, utvrditi konačnu listu odabranih korisnika pomoći, objaviti rezultate odabira korisnika pomoći i omogućiti svim podnositeljima prijave/zahtjeva pravo na prigovor.

#### **V**

Ovo rješenje stupa na snagu danom donošenja.

OPĆINA ZAVIDOVIĆI  
- OPĆINSKO VIJEĆE -

PREDSJEDAVAJUĆI  
OPĆINSKOG VIJEĆA

Broj: 01-05-812/05  
Datum, 27.04.2005. godine

(M.P.)

Besim Avdić, s.r.

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004), Općinsko vijeće Zavidovići na 7.sjednici od 27.04.2005.godine, razmatralo je Izvještaj o radu i finansijskom poslovanju Javne ustanove «Gradski dječiji vrtić» Zavidovići za 2004.godinu sa Izvještajem o radu Upravnog odbora javne ustanove «Gradski dječiji vrtić» Zavidovići za 2004.godinu, pa nakon rasprave, donijelo

## ZAKLJUČAK

1. Općinsko vijeće Zavidovići prihvata Izvještaj o radu i finansijskom poslovanju Javne ustanove «Gradski dječiji vrtić» Zavidovići za 2004.godinu sa Izvještajem o radu Upravnog odbora javne ustanove «Gradski dječiji vrtić» Zavidovići za 2004.godinu, sa zaključnim razmatranjima:

- donijeti kriterije o finansiranju Javne ustanove «Gradski dječiji vrtić»,
- utvrditi procenat učešća u finansiranju djelatnosti Vrtića, osnivača i korisnika usluga, odnosno procenat učešća u ekonomskoj cijeni po djetetu, na osnovu Odluke o zadržavanju prava Osnivača nad ovom ustanovom (broj 01-023-35 od 11.07.1998.godine), Godišnjeg plana i Programa rada ustanove, Zakona o predškolstvu («Službene novine ZE-DO kantona», broj 5/97) i predškolskim standardima za predškolski odgoj i obrazovanje («Službene novine ZE-DO kantona», broj 5/98),

2. O realizaciji zaključka staraće se JU «Gradski dječiji vrtić» i Osnivač – Služba za upravu društvenih djelatnosti i opću upravu.

3. Zaključak stupa na snagu odmah.

OPĆINA ZAVIDOVIĆI  
- OPĆINSKO VIJEĆE -

Broj: 01-05-1135/05  
Datum, 27.04.2005.godine

PREDSJEDAVAJUĆI  
OPĆINSKOG VIJEĆA

Besim Avdić, s.r.

(M.P.)

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004), Općinsko vijeće Zavidovići na 7.sjednici od 27.04.2005. godine, razmatralo je Izvještaj o radu i finansijskom poslovanju Javne ustanove «Centar za kulturu» i radu Upravnog odbora za 2004.godinu, pa nakon rasprave, donijelo

## **ZAKLJUČAK**

1. Općinsko vijeće Zavidovići prihvata Izvještaj o radu i finansijskom poslovanju Javne ustanove «Centar za kulturu» i radu Upravnog odbora za 2004.godinu, sa prijedlogom mjera za dalju konsolidaciju:

- popuna upražnjene pozicije predsjednika Upravnog odbora,
- odrediti se o obilježavanju veoma značajnog jubileja 50 godina rada Doma kulture – august 2006.godine,

2. O realizaciji zaključka staraće se JU «Centar za kulturu» i Osnivač – Služba za upravu društvenih djelatnosti i opću upravu.

3. Zaključak stupa na snagu odmah.

OPĆINA ZAVIDOVIĆI  
- OPĆINSKO VIJEĆE -

Broj: 01-05-1163/05  
Datum, 27.04.2005.godine

PREDSJEDAVAJUĆI  
OPĆINSKOG VIJEĆA

Besim Avdić, s.r.

(M.P.)

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004), Općinsko vijeće Zavidovići na 7.sjednici od 27.04.2005. godine, razmatralo je Izvještaj o radu Udruženja građana boračkih populacija za 2003. i 2004.godinu sa prijedlogom zaključaka, pa nakon rasprave, donijelo

## ZAKLJUČAK

### I

Općinsko vijeće Zavidovići prihvata Izvještaj o radu Udruženja građana boračkih populacija za 2003. i 2004.godinu sa zaključcima:

1. Pokrenuti inicijativu za iznalaženje mogućnosti i odobravanje većeg iznosa novčanih sredstava za povoljnije kreditiranje pripadnika ove populacije na nivou Federacije (poput konkursa koji je nedavno proveden), a u svrhu rješavanja stambenih pitanja,
  1. Realizovati započeti projekat gradnje spomen obilježja za šehide i poginule borce odbrambeno-oslobodilačkog rata,
  2. Povećati broj pomoći materijalno najugroženijim pripadnicima ove populacije,
  3. Smanjiti broj zaposlenih u boračkim organizacijama, s obzirom da su aktivnosti koje su ranijih godina obavljali (npr. podjela paketa, humanitarne pomoći i sl.), potpuno ukinute, znatno smanjene i prenesene u nadležnost općinskih službi i kantona,
  4. Sugerisati da se nastavi sa inicijativom o formiranju jedinstvenog udruženja boračkih populacija, od postojeće tri organizacije. Novoformiranom organizacijom bi upravljali po jedan predstavnik iz svake populacije,
  5. Sredstva koja su izdvojena za redovno finansiranje organizacija, preusmjeriti za pomoći boračkim populacijama, odnosno na Transfer za borce, RVI i porodice poginulih boraca,
  6. Donijeti Kriterije za dodjelu novčane pomoći iz sredstava zajedničkog transfera, koji će se koristiti počev od 01.01.2006.godine,
  7. Zadužuje se Općinski načelnik da poduzme mjere na obilježavanju parking mjesta rezervisanih za ratne i civilne invalide uz javne ustanove i preduzeća i obezbijedi parking karte korisnicima istih,
  8. Općinsko vijeće Zavidovići sugeriše Vladi Zeničko-dobojskog kantona što hitnije stavljanje u proceduru Zakona o dopunskim pravima boraca.

OPĆINA ZAVIDOVIĆI  
- OPĆINSKO VIJEĆE -

PREDSJEDAVAJUĆI  
OPĆINSKOG VIJEĆA

Broj: 01-34-1618/05  
Datum, 27.04.2005.godine

(M.P.)

Besim Avdić, s.r.

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004), Općinsko vijeće Zavidovići na 7.sjednici od 27.04.2005. godine, razmatralo je Informaciju o stanju i problemima školovanja romske djece općine Zavidovići, pa nakon rasprave, donijelo

## ZAKLJUČAK

1. Općinsko vijeće Zavidovići prihvata Informaciju o stanju i problemima školovanja romske djece općine Zavidovići, sa predloženim mjerama:

- omogućiti da se propušteno u školovanju mladih Roma bar djelimično nadoknadi,
- obezbjediti uslova da pripadnici nacionalne manjine mogu izučavati svoj jezik, kulturu i historiju makar kroz dodatnu nastavu,
- sistemski pratiti stopu upisa i završavanja škole djece Roma,
- izraditi prilagođeni nastavni plan i program za područje cijele BiH,
- raditi na oformljenju odjeljenja za odrasle Rome u skladu sa zakonskim propisima i u saradnji sa Drugom osnovnom školom i Udruženjem Roma Zavidovići,
- omogućiti pribavljanja potrebne dokumentacije za upis u školu,
- omogućiti stipendiranje Roma u srednjim ili visokoškolskim ustanovama,
- omogućiti snošenje troškova obaveznog ljekarskog pregleda za upis u prvi razred osnovne škole,
- predložiti osnovnim školama da na kraju nastavne godine prikupe sačuvane donirane udžbenike od učenika Roma i iste ustupe na korištenje mlađim učenicima na početku naredne školske godine

2. Za realizaciju zaključka zadužuje se Služba za upravu društvenih djelatnosti i opću upravu.

OPĆINA ZAVIDOVIĆI  
- OPĆINSKO VIJEĆE -

PREDSJEDAVAJUĆI  
OPĆINSKOG VIJEĆA

Broj: 01-38-1619/05  
Datum, 27.04.2005.godine

(M.P.)

Besim Avdić, s.r.l.

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004), Općinsko vijeće Zavidovići na 7.sjednici od 27.04.2005. godine, razmatralo je Inicijativu Kluba vijećnika Stranke demokratske akcije Zavidovići za formiranje Biznis centra pri općinskim organima uprave Zavidovići, pa nakon rasprave, donijelo

## **ZAKLJUČAK**

1. Općinsko vijeće Zavidovići prihvata Inicijativu Kluba vijećnika Stranke demokratske akcije Zavidovići za formiranje Biznis centra pri općinskim organima uprave Zavidovići.

2. Zadužuje se Općinski načelnik da sve poslove i aktivnosti vezano za datu inicijativu ugradi u već planiranu sistematizaciju općinskih organa i službi, te da o istoj povratno informiše Općinsko vijeće.

3. O realizaciji zaključka staraće se Općinski načelnik i nadležne službe Općine.

OPĆINA ZAVIDOVIĆI  
- OPĆINSKO VIJEĆE -

Broj: 01-34-1745/05  
Datum, 27.04.2005.godine

PREDSJEDAVAJUĆI  
OPĆINSKOG VIJEĆA

Besim Avdić, s.r.

(M.P.)

- 169 -

Na osnovu člana 93. a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004), Općinsko vijeće Zavidovići na 7.sjednici od 27.04.2005. godine, razmatralo je Inicijativu Kluba vijećnika Stranke demokratske akcije Zavidovići za uvođenje sistema upravljanja kvalitetom, prema zahtjevima standarda BAS EN ISO 9001.2000. u općinske organe uprave, pa nakon rasprave, donijelo

## ZAKLJUČAK

1. Općinsko vijeće Zavidovići prihvata Inicijativu Kluba vijećnika Stranke demokratske akcije Zavidovići za uvođenje sistema upravljanja kvalitetom, prema zahtjevima standarda BAS EN ISO 9001:2000 u općinske organe uprave, izuzev predloženog roka za završetak projekta.

2. Zadužuje se Općinski načelnik da sa nadležnim općinskim službama preduzme sve pripreme radnje na realizaciji predmetne inicijative i o istoj informiše Općinsko vijeće.

3. Zaključak stupa na snagu odmah, a o realizaciji staraće se Općinski načelnik i nadležne službe za upravu.

OPĆINA ZAVIDOVIĆI  
- OPĆINSKO VIJEĆE -

PREDSJEDAVAJUĆI  
OPĆINSKOG VIJEĆA

Broj: 01-05-1673/05  
Datum: 27.04.2005.godine

(M.P.)

Besim Avdić, s.r.

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004), Općinsko vijeće Zavidovići na 7.sjednici od 27.04.2005. godine, razmatralo je Inicijativu Kluba vijećnika Stranke demokratske akcije Zavidovići za proglašenje godine 2005., godinom ekologije, pa nakon rasprave, donijelo

## ZAKLJUČAK

1. Općinsko vijeće Zavidovići prihvata Inicijativu Kluba vijećnika Stranke demokratske akcije Zavidovići za proglašenje godine 2005., godinom ekologije.

2. 2005.godina proglašava se godinom ekologije kao polaznom godinom u nizu narednih godina u kojima bi se zaštititi životne sredine dao veći značaj.

3. Zadužuje se Općinski načelnik da putem općinskih organa i službi uradi konkretne programe i planove aktivnosti zaštite okoliša.

4. Zadužuje se Općinski načelnik da u saradnji sa Javnim komunalnim preduzećem «Radnik» i predsjednicima mjesnih zajednica isplaniraju, organizuju i saniraju najkritičn ije divlje deponije na području općine,

5. Zadužuje se Općinski načelnik da u saradnji sa Javnim komunalnim preduzećem «Radnik» i mjesnim zajednicama razmotri mogućnost budućeg, redovnog odvoza čvrstog otpada sa područja seoskih mjesnih zajednica, uključujući i obavezu građana da sufinansiraju troškove u vezi sa ovim.

6. Zadužuje se Općinski načelnik da u skladu sa gore navedenim aktivnostima usmjeri sredstva dobijena iz Kantona za ove namjene.

7. Zadužuje se Općinski načelnik da u saradnji sa nadležnim službama pripremi i organizuje tematsku sjednicu Općinskog vijeća o stanju i mogućnostima zaštite životne sredine i da o istoj obavijesti Kantonalno Ministarstvo za prostorno uređenje, promet i komunikacije i zaštitu okoline i na sjednicu Općinskog vijeća pozove nadležnog ministra.

8. Zaključak stupa na snagu odmah, a o realizaciji staraće se Općinski načelnik i Služba Općinskog vijeća i Općinskog načelnika.

OPĆINA ZAVIDOVIĆI  
- OPĆINSKO VIJEĆE -

PREDSJEDAVALA  
OPĆINSKOG VIJEĆA

Broj: 01-23-1744/05  
Datum, 27.04.2005.godine

(M.P.)

Besim Avdić, s.r.



- 171 -

Na osnovu člana 42. stav 3. Zakona o pravobranilaštvu («Službene novine Zeničko-dobojskog kantona», broj 6/98) i člana 55. Statuta općine Zavidovići («Službeni glasnik općine Zavidovići», broj 3/2002 – prečišćeni tekst), Općinsko vijeće Zavidovići na 7.sjednici od 27.04.2005. godine, donijelo je

## **ODLUKU**

### **o potvrđivanju Rješenja Općinskog načelnika o privremenom imenovanju općinskog pravobranioca u Općinskom pravobranilaštvu Zavidovići**

#### **I**

Općinsko vijeće potvrđuje Rješenje Općinskog načelnika broj 01/1-34-1749/05 od 26.04.2005.godine o privremenom imenovanju Dženane Fazlić, dipl.pravnik iz Zavidovića za općinskog pravobranioca u Općinskom pravobranilaštvu Zavidovići.

#### **II**

Odluka stupa na snagu danom donošenja, a objavit će se u «Službenom glasniku općine Zavidovići» zajedno sa Rješenjem o privremenom imenovanju općinskog pravobranioca u Općinskom pravobranilaštvu.

OPĆINA ZAVIDOVIĆI  
- OPĆINSKO VIJEĆE -

PREDSJEDAVAJUĆI  
OPĆINSKOG VIJEĆA

Broj: 01-05-1750/05  
Datum: 27.04.2005.godine

(M.P.)

Besim Avdić, s.r.

**II – AKTI OPĆINSKOG NAČELNIKA**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK

Broj: 01/1-34-1749/05

Datum, 26.04.2005.godne

Na osnovu člana 4. stav 2. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj 12/2003) i člana 42. stav 3. Zakona o pravobranilaštvu («Službene novine Zeničko-dobojskog kantona», broj 6/98 i 2/05), Općinski načelnik Zavidovići, donio je

**R J E Š E N J E**

**o privremenom imenovanju općinskog pravobranioca u  
Općinskom pravobranilaštvu Zavidovići**

1. **DŽENANA FAZLIĆ**, dipl.pravnik imenuje se za općinskog pravobranioca u Općinskom pravobranilaštvu Zavidovići, do okončanja postupka izbora općinskog pravobranioca kojim će se izvršiti konačno imenovanje na način, po postupku i uz poštivanje i primjenu principa propisanih Zakonom o ministarskim, vladinim i drugim imenovanjima Federacije Bosne i Hercegovine, a najduže na period do dva mjeseca.

2. Ovo rješenje stupa na snagu danom kada Općinsko vijeće Zavidovići da saglasnost na imenovanje.

**O b r a z l o ž e n j e**

Nakon provedenog konkursa za imenovanje općinskog pravobranioca u Općinskom pravobranilaštvu Zavidovići, Rješenjem Općinskog načelnika broj 01/1-02-1329/03 od 02.07.2003.godine, imenovan je Katardžić Hajrudin za Općinskog pravobranioca, a isto rješenje je potvrđeno od strane Općinskog vijeća Zavidovići, Odlukom broj 01-05-2144 od 09.07.2003 godine («Službeni glasnik općine Zavidovići», broj 7/2003), na mandat od četiri godine.

Dana 05.04. 2005. godine, općinski pravobranilac Katardžić Hajrudin, podnio je neopozivu ostavku na vršenje službe pravobranioca iz zdravstvenih razloga, a ista je prihvaćena od strane Općinskog načelnika, Rješenjem o razrješenju i internom premještaju broj 01/1-34-1427/05 od 15.04.2005.godine, sa danom 18.04.2005.godine.

Na osnovu člana 6. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03), Općinski načelnik dana 18.04. 2005.godine donio je Zaključak o raspisivanja javnog oglasa za imenovanje općinskog pravobranioca u Općinskom pravobranilaštvu Zavidovići.

Nakon donošenja navedenog Zaključka, Općinski načelnik raspisao je dana 19.04.2005. godine, javni oglas za imenovanje općinskog pravobranioca u Općinskom pravobranilaštvu Zavidovići. U konkursu su navedeni uslovi koje treba ispunjavati kandidat, a ti uslovi propisani su u Zakonu o ministarskim, vladinim i drugim imenovanjima i Zakonu o pravobranilaštvu.

Obzirom da općinskom pravobraniocu prestaje vršenje službe slijedećeg dana od dana u koji je ostavka primljena, to je neophodno radi blagovremenog, stručnog i efikasnog rada u pravobranilaštvu, do okončanja postupka izbora kojim će se izvršiti konačno imenovanje općinskog pravobranioca, na način, po postupku i uz poštivanje i primjenu principa propisanih Zakonom o ministarskim, vladinim i drugim imenovanjima Federacije Bosne i Hercegovine, izvršiti imenovanje za kraće razdoblje najduže dva mjeseca koja se ne mogu ponoviti.

Lice koje bi privremeno obavljalo dužnost općinskog pravobranioca, treba da ispunjava uslove propisane Zakonom o pravobranilaštvu i to: da je državljanin Bosne i Hercegovine koji je diplomirani pravnik i ima položen pravosudni ispit i iskustvo u radu na imovinsko pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim osobama u trajanju najmanje dvije (2) godine i koji posjeduje moralne osobine za obavljanje službe pravobranioca.

Općinski načelnik obavio je razgovor sa Dženanom Fazlić, dipl.pravnik i naknadnim uvidom u kraću biografiju i dostavljenu dokumentaciju, utvrđeno je da imenovana iz tačke 1. dispozitiva predmetnog rješenja ispunjava uslove, tj. da je diplomirani pravnik, da ima položen pravosudni ispit, da ima 2 godine i 9 mjeseci radnog staža u organima pravosuđa, te da shodno odredbi člana 43. Zakona o pravobranilaštvu ispunjava propisane uslove za imenovanje na dužnost općinskog pravobranioca.

Shodno naprijed iznijetom, a imajući u vidu neodložnost poslova u Općinskom pravobranilaštvu, donosi se rješenje kao u dispozitivu.

OPĆINSKI NAČELNIK

(M.P.)

Izet Bašić, dipl.ing.agr., s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK

Broj: 01/1-28-1468/05

Datum, 08.04.2005.godine

Na osnovu člana 5. stav 2.tačka 5. preuzetog Zakona o zaštiti stanovništva od zaraznih bolesti koje ugrožavaju cijelu zemlju («Službeni list RBiH», broj 13/94 i 2/96), Naredbe Ministarstva zdravstva Zeničko-dobojskog kantona broj 11-37-7310-1/05 od 28.03.2005.godine i člana 65. Statuta općine Zavidovići («Službeni glasnik općine Zavidovići», broj 3/2002 prečišćeni tekst), Općinski načelnik Zavidovići, dana 11.04.2005.godine, donio je

## **N A R E D B U**

### **o sprovođenju proljetne faze preventivne sistematske deratizacije općine Zavidovići za 2005.godinu**

#### **I**

**NAREĐUJE SE** sprovođenje preventivne sistematske **DERATIZACIJE** na području općine Zavidovići u periodu od 20.04.2005. do 26.04.2005.godine – **proljetna faza.**

#### **II**

Deratizaciju će sprovesti Kantonalni zavod za javno zdravstvo Zenica uz angažovanje HES JU «Dom zdravlja sa poliklinikom» Zavidovići.

#### **III**

Provođenju preventivne deratizacije podliježu:

a) Javne i zelene površine u pojasu naselja sa koncentrisanim stanovništvom (gradska naselja), obale površinskih vodotoka u gradskim i prigradskim zonama, centralne deponije smeća, kao i nezvanična smetlišta u gradskim naseljima, vaspitno obrazovni i kulturni objekti i njihovi prostori, objekti javnih zdravstvenih ustanova, javne ustanove administrativnog karaktera, individualne stambene zgrade u privatnom vlasništvu u užim gradskim zonama, javni vodoopskrbni objekti i vjerski objekti i groblja.

b) Kanalizacione mreže sa šahtovima i izlivnim kolektorima, površine i prostori privrednih i poslovnih preduzeća, stacionarni objekti i sredstva javnog saobraćaja, objekti za proizvodnju, promet i skladištenje hrane, ugostiteljski objekti, objekti za pružanje usluga javne higijene i zajednički prostori stambenih zgrada (podrumi i tavani).

Troškove sprovođenja deratizacije navedene u stavu III/b snose subjekti koji njima upravljaju.

- 175 -

**IV**

Subjekti koji podliježu sprovođenju preventivne sistematske deratizacije su dužni obezbijediti nesmetan rad ekipama izvođača bez obzira na parcijalne radove ili ugovore koje posjeduju.

**V**

Nadzor i kontrola sprovođenja akcije deratizacije provodit će ovlašteni općinski sanitarni inspektor Hadžić Ibro i kantonalni sanitarni inspektor.

**VI**

Ova naredba stupa na snagu danom donošenja, a objavit će se u «Službenom glasniku općine Zavidovići».

**OPĆINSKI NAČELNIK**

(M.P.)

Izet Bašić, dipl.ing.agr.,s.r.

**S A D R Ž A J**

Strana

**I – AKTI OPĆINSKOG VIJEĆA**

1. ODLUKA o ukidanju statusa nepokretnosti u općoj upotrebi K.O.Dubravica kao DR SV javni i nekategorisani putevi .....	156
2. ODLUKA o ukidanju statusa nepokretnosti u općoj upotrebi K.O.Perovići kao DR SV javni i nekategorisani putevi .....	157
3. RJEŠENJE o preuzimanju iz posjeda IP «Krivaja» dd Zavidovići neizgra- đeno gradsko građevinsko zemljište K.O. Zavidovići zv. «Ćumurana» .....	158
4. RJEŠENJE o odbijanju zahtjeva Crvenog križa Zavidovići za dodjelu neposrednom pogodbom gradsko građevinsko zemljište .....	159
5. RJEŠENJE o odbijanju zahtjeva Kararache daudi Abdelilah iz Zavidovići za dodjelu neposrednom pogodbom gradsko građevinsko zemljište .....	160
6. RJEŠENJE o imenovanju komisije za odabir korisnika pomoći rekonstrukcije stambenih objekata u mjestima Gostović, Dolac-Rujnica i Smailbašići-Svinjašnica .....	162
7. RJEŠENJE o imenovanju komisije za odabir korisnika pomoći rekonstrukcije stambenih objekata u mjestima Garići i Ribnica .....	163
8. ZAKLJUČAK OV-a o prihvatanju Izvještaja o radu i finansijskom poslovanju Javne ustanove «Gradski dječiji vrtić» Zavidovići za 2004. godinu sa Izvještajem o radu UO JU «Gradski dječiji vrtić» Zavidovići za 2004.godinu .....	164
9. ZAKLJUČAK OV-a o prihvatanju Izvještaja o radu i finansijskom poslovanju Javne ustanove «Centar za kulturu» i radu UO za 2004.godinu.....	165
10. ZAKLJUČAK OV-a o prihvatanju Izvještaja o radu Udruženja boračkih populacija za 2003. i 2004.godinu .....	166
11. ZAKLJUČAK OV-a o prihvatanju Informacije o stanju i problemima školovanja romske djece općine Zavidovići .....	167
12. ZAKLJUČAK OV-a o prihvatanju Inicijative Kluba vijećnika SDA Zavidovići za formiranje Biznis centra pri općinskim organima uprave .....	168
13. ZAKLJUČAK OV-a o prihvatanju Inicijative Kluba vijećnika SDA Zavidovići za uvođenje sistema upravljanja kvalitetom, prema zahtjevima standarda BAS EN ISO 9001:2000 u općinske organe uprave .....	169
14. ZAKLJUČAK OV-a o prihvatanju Inicijative Kluba vijećnika SDA Zavidovići za proglašenje godine 2005. godinom ekologije .....	170
15. ODLUKA o potvrđivanju Rješenja Općinskog načelnika o privremenom imenovanju općinskog pravobranioca u Općinskom pravobranilaštvu Zavidovići .....	171

**II – AKTI OPĆINSKOG NAČELNIKA**

1. RJEŠENJE o privremenom imenovanju općinskog pravobranioca u Općinskom pravobranilaštvu Zavidovići .....	172
2. NAREDBU o sprovođenju proljetne faze preventivne sistematske deratizacije općine Zavidovići za 2005.godinu .....	174

